

آبونه شرائطی: هریر ایچون
سنه لکی (۴۰۰) آلتی آیلغی
(۲۲۵) ممالک اجنبیه ایچون
سنه لکی (۴۵۰)، آلتی آیلغی
(۲۵۰) غروشدور.

نسخه سی ۷,۵ غروشدور.
سنه لکی ۵۰ عددور.

اداره خانه: باب عالی جاده سنده
رشید افندی خانه

اخطارات
آبونه بدلی پشیندر.

مسئله موافق آثار مع المنونیه
قبول اولنور. درج ایدله یین
یازیلر اعاده اولنماز.

الشیخ الاسلام

شماره ۱۳۳۰

آدره من تبدیلنده آیریجه
۵ غروش کوندرملیدر.

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدور

ممالک اجنبیه ایچون آبونه
اولانلرک آدرسلرینک
فرانسجه یازلسی رجا اولنور.

یاره کوندرلدیکی زمان نهیه
دائر اولدیفنی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

جلد ۲۳

۲۴ کانون ثانی ۱۳۴۰

* پنجشنبه *

۱۷ جمادی الاخری ۱۳۴۲

عدد ۵۸۵

مقرون عالم

مقننه نورك ارباغنده کی اجتماع مناسبتدر

بعض استانبول خانلرینک مسائل اجتماعیه حقننده کوستردکاری
علاقه شایان تقدیردر. امور عائلهیه تعلق ایدن مسائلده قادیلرکده
نقطه نظر لرینی بیلدیرملری البته موجب استفاده در. حتی بالکیز
استانبولده کی بعض خانلر دکل، مملکتیمزک هر طرفنده کی قادیلرده
بوخصوصده علاقهدار اولهرق فکر لرینی اظهار ایتیلدرلر. قادیلر
هردرلو حسیات وتأثیراتدن آزاده اولهرق اساسی تدقیقاتده بولونه جق
اولورلرسه کوره جکاردرکه شریعت اسلامییه بوتون احکامنده فطرت
بشریه یی نظراعتبار آلمش، عائله نیک سعادت تامه سی تأمین ایتمکدن
باشقه برغایه کوزمه مشدر. بوکون غرب جمعیتلرنده عائله حیاتینک
نه مرکزده اولدیفنی غربلی برقادین غایت آچیق برصورتده تشریح
ایتمشدر. برقاچ نسخه در بو تشریحاتی نشر ایدیوروز. اولنلرک
ایمرنه جک جهتی نره سیدر؟ تورک مسلمان عائله سی قدر عفت وعصمت
قیمت ویرن هانکی ملت وارددر؟ بزمک بویوک، اک قیمتدار سرمایه من
عائله تشکیلاتمزددر، عائله حیاتمزددر کی عفت وعصمتدر.

صوک زمانلرده بوخصوصده بعض محیطلرده تردیات حصوله
کلیشیده بو، تمامیه خارجک تأثیریلدر؛ قطعاً اصلی دکلدر، عارضی در.
عائله تشکیلاتلری وتلقیلری بوسبوتون باشقه اولان برطاقم یابانچی
عنصر ترک آرامزه قاریشمی، اجنبی تلقیناتینک محیطمزددر نشوونما
بولسی درکه تورک عائله سنک هویت اصلیه سی بوراده تبدله، استحاله یه

معروض براقشدر. لکن شکر اولنورکه بوتردی موضعی در، ملنک
کتنه اصلیه سی بوتردین مصوندر. بوسایه ده درکه ملت، متوالی مهاجانه
رغمأ، رصانت اجتماعیه سی محافظه ایدرک انحلالدن مصون قاله بیلمشدر.
باشقه هانکی ملت وارددرکه بوتدر. مزاحم قارشیسندن وحدتی محافظه
ایده بیلسون؟ الک مشکل وضعیت وشرائط آلتنده آناتولینک کوستردیکی
حرکت وتهرمانلق، بنیه اجتماعیه مزک ناقدیمین اولدیفنی کوسترمه یه
کافیدر. بناء علیه تبدیلی اقتضا ایدن، ملنک اجتماعاتی دکل، او اجتماعاتک
بوزوق اولدیفنه ذاهب اولان ذهنیتدر.

مسئله یی بالکیز براوجندن طوتهرق دکل، هیئت عمومیه سی نظر
اعتباره آلهرق دوشونمک لازم کلیر. حقوق عائله مسائلنده بالکیز بر،
ایکی نقطه یه صاپالانوبده دیگر جهتلرک تدقیقندن صرف نظر ایتک
حقیقی بر تتبع اوله ماز. عائله حقننده کی احکام شرعییه بر کلدر. بشرک
فطری، مصلحتی، احتیاجاتی، احوال عمومیه سی نظر دقته آلهرق
وضع اولونمشدر. شریعت اسلامییه، هرشیده اولدیفنی کبی، تناسل
بشردده مشروعی، عفت وعصمتی اقصى الفسایه اتخاذ ایتمشدر.
غیر مشروع معامله ممنوع اولان بر هیئت اجتماعیه اسلامییه ده بعض
احوال ضرورییه ایچون استثنائی بر طاقم احکام وضع اولونسی اولنک
نقصانه دکل، کالنه دلالت ایدر. بوکون، نه ایچون بوتون مهاجرات
تعدد زوجانه تکاثف ایتدیریلور؟ هیئت اجتماعیه مزده اصل اولان
بومیدر؟ بر نظر اجنبی بویله کوره بیلیر. فقط حیات اجتماعیه مزک
احوال عمومیه سی بزجه معلوم دکلیدر؟ بومساعده یی بوتون مسلمانلر
استعماله می قالدیشدی که بوتدر تلاش کوستریلور؟ بر قطعته ادها

ايد بيليرزكه بو مساعده يي استعمال ايدنلر غايت نادر در ، بيكده بر بيله دكلدر .

بوكون حيات طائله مسئله سي موضوع بحث اولدني زمان نظر دقي جلب ايدمك مسئله بو دكلدر . استانبولده كوندن كونه ميدان آلان واجبي اشغالي مناسبيله مدهش صورتده توسع ايدن فحش مسئله سيدر . بوكون بيكلرجه قادينلر الارنده وثيقه ، دوداقلرنده بوي سوراق سوراق دولاشمقده درلر . بو زواليلري بوييه سوراق سوراق سوروندورن كيمدر ، هانكي ذهنيتهر هيت اجتماعيه من بواحوالي خوش كورييوري ؟ هيچ ده خوش كورديكي بو قدر . بو حال ، ملتك فطرت اصليله سي خلافة بر مرض خارجيدر ، وثيقه اجتماعيه يي اصل نهديد ايدن بو مرض مسئوليدر . او حالده بوكون اك زياده توجيه خصوصت اولونه حق نقطه بو اولق لازم كلرمي ؟ كرك منور اركلر يمز ، كرك منور قادينلر يمز بو خصوصده اك شديد مجادله لرده بولونه رق بو مرض عارض يي ازاله يه چالشملي اقتضا ايدر . بالخاصه منور قادينلر يمز اك باشليجه وظيفه لري بو غايكم اوكنه كچمك اولمايدر .

بيكلرجه وثيقه لي قادينلري بو صنعت مذمومه لرنده دوامه مجبور ايدن كيملر در ؟ بونلر كيملر ذوقلري ، كيفلري تظمين ايله مكلف بولونيورلر ؟ هيچ شبهه يوق ، اركلر . اركلر پاره لري مقابلنده بويكلرجه قادينلردن غير مشروع صورتده تنفع وتمتع ايديورلر . بالطبع بو ، اركلر قادينلر قارشى بويوك بر ظلمى ، بويوك بر حقارت در . قادينلر شرف و حيثيته بونلر بويوك حقارت اولونه ماز . بو ، بالكلر قادينلر ايچون دكل ، انسانيت ايچون ده بويوك بر شيندر . نيجه كنج قيزلري باشند چيقاران ، حياتلري زهرلن ، او بيجاره لري طائله تشكيلندن محروم ايدن هب اركلر وجدانسزاني ، اركلر پاره سيدر . بو جهته قادينلر اركلر قارشى عتساي معذور كورمليدر . ذره قدر انصاف اولان ، ذره قدر وجدان صاحبي بولونان براركلر كندى رفيقه سندن باشقه بر قادينله ناصيل مناسبانده بولونه بيلير ؟ بوييه غير مشروع مناسبانده بولونمق ايسته ين اركلر بو حركتلري هيت اجتماعيه ناصيل جائز كوره بيلير ؟ اركلر ارتكاب ايتديكي جرائم ايچنده بونك قدر عظيم بر جنايت بو قدر . زيرا اركلر بو حركتيله هم رفيقه سه خيانت ايديور ، هم بر طائله تشكيلي ايچون ياراديلش اولان بر قيز جغزي الى الابد طائله تشكيلندن محروم ايديور . هايدى ، هوساتنه غلبه چاله مايان متانتسز قادينلر ايچون بونك بر جزاي سزا اولديغي قبول ايدم . فقط احتياجندن طولاني ، اكلك پاره سي ايچون اركلر كيفنه عرضي تسليم ايدن قادينلر نه ديده لم ؟ واقعا بو ، قادين ايچون . معذرت تشكيل ايتز . فقط اركلر جرمي تشديد ايدر .

شيمدى سورارز : ذوقه محبوب اوله رق ، پاره سنه نووه نهرك

غير مشروع بر صورتده قاديندن استفاده ايتك ايسته ين اركلر بو حركتي جائز اوله بيلير ؟ بوسوالي اركلر دكل ، قادينلر ، منور و فضيلتپور قادينلر خطاباً اراد ايديورز . بز هيچ شبهه ايتيورزكه قادينلر اركلر بو حركتي قطعياً تجويز ايتزلر ، قادينلر حيثيت و شرفي ايچون اك بويوك بر ذل عدايدرلر . ايسته شريعت اسلاميه دني بو قدر فحش اولان بو حركتي تجويز ايتمش ، بوني افعال ممنوعه دن عد ايله مشدر . ونكاحي تماماً (سفاح) ك مقابل اولق و اوني اورته دن ممكن اولدني قدر قالد يرمق ايچون تشريع ايتمشدر .

بناء عليه بوكون قادينلر ايچون هر شيدن اول طلب ايديله جك نقطه بودر : اركلر غير مشروع بر صورتده هر هانكي بر قادينله مناسبات جنسيه سي قانوناً تحت ممنوعيته آينمايدر . واقعا قادينلر بو طلبلري انفاذ ايدم بيلمك ايچون احتمال كه چوق مشكلاته اوغرارلر . فقط موفق اولدقلى تقديرده طائله تشكيلندن محروم قالان بيكلرجه قادينلري ، متاع عمومي صيره سنه كچمش و كچه جك اولان بيكلرجه زواليلري قور تاردقندن باشقه هيت اجتماعيه يي ده تردى وانقراض تهلكه لرندن تخليص ايتش اولورلر .

منور و فضيلتپور قادينلر بوكا موفق اولدقندن سوكره ديكر جهتلري قولايذر . او خصوصلرده شريعت اسلاميه قادينلر ايچون غايت كنش احكامي محتويذر .

حقوق طائله مسئله سنده احكام اسلاميه نك دها چوق قادينك حقوقى تأمين مقصديله وضع اولمشدر . مسلمان قادينلري ايچون شريعت اسلاميه نك حقيله تطبيقى ايسته مك دن فائده لي بر حركت بو قدر . قادين انثاي عقدده بر طاقيم شرائط وضع ايدم بيلير . حق طلاقه بيله مالك اوله بيلير . اسلامده نكاح تماميله بر عقد مدنيدر . لى الحاجه طلاقده مساعده اولونمشدر . طائله آره سنده كچينك امكاني قالمادقندن سوكره ايكي طرفكده سربست قاله بيلمى دهاخير ايدر . زورله كوزلك اولماز . سوكره طائله ايشلري دها زياده طائله آره سنده حل اولونه بيلمك البته دها مناسبدر . قارى ، قوجه محكمه لرده سورونك ، يكديكري نك قباحتي اثباته چالشمق جدى دوشونولورسه نه قادين ، نه اركلر هيچ بر طرفك آرزو ايدم چكي شى دكلدر . خريستيانلرده طلاق ممنوعى حریت بشريه قارشى چوق بويوك انكل اولمشدر . اونك ايچون بوتون خريستيان ملتلى صوك زمانلرده طلاق قبول ايتك مجبوريتنى حس ايتش ، بر چوقلى ده قبول ايتمشدر .

حله به كنجه اوني ده مع التأسف كيمسه نك آكلامادني كوروليور . حله بايانلري و ياديرانلري شريعت اسلاميه تلعين ايديور . بونلر غايت مهم مسئله لر در . شريعت اسلاميه هر خصوصده قادينك حقوقى اعظمى صورتده تأمين و حمايه ايتمشدر . طلاق اوچ دفعه ي قدر اولمسنده ده بر چوق حكمتلر مند مجدر .

اولورسه تمامیه فطرت ومصاحت بشریه موافق اولدینی تحقیق ایدر. بونلر اوزون بحثلردر. بونلری متعدد دفعه لر مفصلاً یازدق. ینه یازمجنز. اونک ایچون بونون ایسته نه جک شی، شریعت اسلامیته نک حقیقه تعلیقندن باشقه برشی دکلدرد.

برده هنوز بلوغه ایزمه یین چوجقارک ولیلری معرفتیه نکاحلرینک جوازینیه متعلق احکامک ایلری سورولدیکی کورولیورد. بونکا برجهتدن تشکر اولنور. کوچوک چوجقارک بر هیئت اجتماعیه افرادینک نظر ملاحظه آلمسی ای بر شیدر. فقط تأسف اولنورکه بونی ده لازم اولدینی وجهله دکل، آز چوق نضولیلقله ملاحظه ایتک الزام اولونیورد. بر کوچوک چوجقارک بالخاصه کویلرده، فقیر مملکتلرده نه کی مزاحم حیات آلتنده یتیشدیکی تفصیلاتیه دوشونولمده دن؛ اونلرک ابونیی، ولیلری نه کی اضطرابات حیات ایچنده بولوندینی نظر دفته آلتینده دن، کوچوکلرک منافع حیاتییه سیلک یاقین ولیلرندن دها زیاده برعلاقه دارلقله تعقیب ایدیلیورمیش کی مداخله ایتک، ولایت عامه حدودینی ولایت خاصه نک ایجه نقطه لرینه قدر حاکم قیلنیه قالدیشمق البته طوغرو دکلدرد. اوت، کوچوک بر چوجقارک نکاحله باغلامسی، بالآخره اونک حقنده ضرر اوله بیلیمک احتمالی واردر. فقط او یله زمانلر اولورکه بویله بر نکاح اوجوجقارک حیاتی، استقبالی قورتارمق ایچون آله کچمز بر فرصت اوله بیلیر. بویله بر فرصتی ولایت عامه دکل، اوجوجقارکک یاقیندن فقرات حیاتیله وظیفه دار اولانلر تقدیر ایدیه بیلیرلر. او وظیفه لری هیچ دوشونمده دن هر کسک چولوغنه چوجوغنه قارشق فضله مداخله طرفدارانی ایتک طوغرو اولماسه کر کدر.

صغیرک نکاحی جائز اولمسی مسئله سنندن درحال زفاف اجرایی بر امر ضروری و واقع ایش کی متبادیاً بونی ایلری سوروب طورمق، سنت پیغمبری ایله ثابت بر مسئله حقنده تدقیق ایتیمکسزین سوز سویله مک قیلندن اولدینی اونودولیورد.

انسانلر عادی نباتات و حیواناتک بیله اصطفا سی ایچون بونجه مساعی صرف ایدوب طورورکن نسب و حیات انسانیه نک اصطفا سی اهل ایتک البته طوغرو دکلدرد. نکاح، یوقاریده سویلدیکمز وجهله، برأکنجه غایه سنه دکل، بالخاصه تناسل و حیات انسانیه نک ادامه و تصفیه سی حکمتیه مبتنی اولدینی ایچون کوچوک چوجقارک نکاحلرینی بیله یالکیز کیف و آرزو نقطه نظرندن دوشونمک هیچ ده طوغری دکلدرد. زمان اولورکه بر کفو بردها آله کچمه جک صورتده ضایع اوله بیلیر. زمان اولورکه کفو ایله مترافق آز چوق ثروت و اموال فرصتی یوز کوسرر. ینه زمان اولورکه بر چوجقارک کیمسه سزک یوزندن سوقاقلره دوشه بیلیر. ایسته بونلر او یله مهم و اصلا اهلای جائز اولمان مصالحدرکه بر قانونک بو مصالحه سسد چکمیسی آنجق اولنلری

بردغه آریلیرلر. بوقرار ایی دوشونولمده دن وریله بیلیر. اکر طرفین ندامت کوسررسه تجدید رابطه ایدرلر. ایکنجی دفعه ده بو آریلق اوله بیلیر. ینه بری برلرینه قارشق محبتلری وارسه تکرار تشکیل عائله ایدیه بیلیرلر. اما بوندن سوکره آرتیق هرا یکی طرف عقللرینی باشلرینه آلمالیدرلر. کچمه یه حقیقی نیتلری وارسه آرتیق طلاق اونوتمالیدرلر. زیرا بو او یونجاق دکلدرد. الی نه سایه تکرار ایدیه من. او وقت عقد نکاحک معناسی قالماز. اونک ایچون ارکک اوجنجی طلاق استعمال ایدرکن اوزون اوزادییه دوشونمک مجبوریتنده در. بر دها قطعاً زوجیه سیله کچنمک امکانی قالمامشسه او وقت بو قرارینی اجرا ایدر. آرتیق او قادین اونک ایچون یوق دیمکدر. آرادیه کی رابطه یه قطعی صورتده نهایت وریلشدر. قادین ده اونو اونوتور. آرتیق اوندن سعادت بکله من. باشقه بر قوجه یه واریر. اونکله بر مدت کچیز. سوکره او، وفات ایدر. یا خود آره لرند بر آریلق حصوله کلیر. او زمان اسکی زوجیه قارشق ینه قلبنده بر این قالمشسه، اسکی زوجیه ده قلبنده بونکا قارشق بر محبت حس ایدیورسه او وقت تکرار تأسیس عائله ایدیه بیلیرلر. ایسته قرآن کریمک (حق تنکح زوجا غیره) دیدیکی بودر. قرآنده بحث ایدیلن ایکنجی ازدواج، طبعی صورتده حصوله کلن و نهایت بولان ازدواجدر. یوقسه صنی بر ازدواج قطعاً مقصود دکلدرد. بالعکس ایشک بو صنی و حیللی قسمی شدله ممنوعدر، بونی یاپانلر تلغین اولمشدر. (لعل الله الحلال والحلاله. — حدیث شریف.) قادیی بویله بازیجه ایدن هم برنجی زوج، هم او ساخته ایکنجی زوج. . . ایکیسی ده نظر شریعتده ملعوندر. ذاتاً ایکنجی زوجک بویله بر شرط ایله وقوع بولان بر نکاحیه ده جائز دکلدرد. چونکه بو نکاح متعه دیمکدر، یعنی موقت بر نکاحدر.

ایسته (حله) دییه متصل هجوم ایدیلکده اولان مسئله نک اساسی بودر. بونی وضع شرعیسنندن چیقارانلر اولورسه اونو تأدیباتمیدر. فقط مسئله نک اساسی بیلیمده دن شریعت اسلامیته یی انهامه قالدیشمق قطعاً منصفانه بر حرکت دکلدرد.

باقکیز، شریعت اسلامیته قادیینک حقوقی نه درجه لرده دوشونیوردا انسانلرک احوال اجتماعیه و روحیه لرینی نه درجه لرده نظر اعتباره آلیوردا اما انسانلر بو کوزل قانونلری سوء استعمال ایدرلرسه نه یاملی ۱ اونک ایچون اورته ده بر او یغونسزلق وارسه بوتنقید اولنورکن «شریعت اسلامیته» ایله «مسلمانلرک حرکتلری» آریلایدرد. مسلمانلرک هر یابدینی شریعتیه مطابق اولمایه بیلیر. بناء علیه اوندن طولانی شریعتی مسئول عدا یتیمکه قالدیشمق — عن قصد اولمازسه — بویوک بر خطا اولور، احکام شرعییه عدم وقوفدن متولد بر خطا اولور.

کورولیورکه هر هانکی بر مسئله شرعییه بر از تدقیق ایدیه جک

دیگر جهته تأمین ایتسه ولا اقل بر چوجنه بابایی قدر بر علاقه کوسته بیلیمنه متوقفدر .

بابالرینک ، ولیرینک بوشراط آلتده صلاحیتلری نزع ایتک ، عیبا او چوجقلری زده سور وکله چکی دوشونولورمی ؟

بوکی خصوصاً بعض سوءاستعمالات اوله بیلدیکی ویا جهالت تأثیریه کرکی کی دوشونوله مندیکی کورولورسه اونقطه لک اصلاحنه معطوف تدابیر آنخا زینه هیچ برشی دینه من . فقط شریعت اسلامیه نك احکامی اوله کلیشی کوزل احتیاساته مستند تبدلانه معروض قیلمق طوغرومیدر ؟

الحاصل بوتون بومسائل برر حکمت ومصلحته مستنددر . شریعت اسلامیه نك هیچ برحکمی یوقدرکه حکمتدن ، مصاحتدن خالی بولمش اولسون . ارکک اولسون ، قادین اولسون ، بوتون مسلمانلر ایچون نجات ، فلاح وسعادت انجق احکام شرعیه به صیم صیق صاربلقده در .

اشرف ادیب

اوروپا حیات اجتماعی سی

مفیده غربی بر قادینک غایت مهم بیانی

۴

« یوقاریده سرد ایتش اولدینمز سوزلردن آکلادیکنز که بزده حیات زوجیت اوله ظن اولندیکی کی بتون شایه لردن آزاده اولمایوب بلکه اکثر احواله اجتنابی غیر قابل بر طاقم فالقلله ممزوج بولنمده در .

ایچمزه بر طاقم قادینلر کوریورز که بونلر حیات عملیه ده ارککلره یاری یاری به تقسیم مساعی حققی حائر اولدقلری یوکسک سسله ادعا ، قادینک ارکک ایچون مدار انتفاع اولق غایه سیله یارادیش اولدینی فکری بتون قوتلریله رد وتقییح ایدیورلر . سویه علم وعرفانلری حیات اجتماعی نك حقایق واسرارینه انفاذ نظر ایده بیللملرینه مساعد اولیان بر طاقم بسیط فکری کسه لک کویا قادینلری حمایه وتشویق مقصدیه اورتیه آتدقلری واهی نظریه لک الک حرارتلی مروجلری بو قادینلر اولورلر .

شوراده قادینک کیفیت خلقتدن ، اولک ارککه هیچد بکزمه من مزاج نوعیسندن ، منظومه عصیسندن بحی بر طرفه براقلم ، او جنس لطیفک اعمال شاقه بی اقتحام ایتکه ، سیاسیات ایله اوغراشمه ، حرب وضرب وامثالی امور معظمه به صبر ومقاومه نه درجه به قدر تحمل ایده بیله چکی مسئله لری مناقشه به کیریشمیه لمده یالکنز قادینلق حیاته عائد مرزمان وهر مملکتده کورمده اولدینمز احوال وحادثاتی قید ایله اکتفا ایدم :

قادین ، هر نه قدر دیلیله خلافتی ادعا ایتسه ده ؛ قلباً بیلیر وتسلم ایدرکه ارککک مدار انتفاعی در .

قادینلره سوریکنز که قاشلرینه جاذبه دار برشکل ویرمه ، درلودرلو بویالر قوللانمغه ، پاناقلری ، دوداقلری آلق واسطه سیله کلکون ومطرا بر حاله قویمغه ، آلینری بیونلری بیاضلاتمغه نه دن مجبوریت حس ایدیورلر ؟ ظریف وشفاف لباسلر کینمک ، قیمتدار مزینات ومجوهرات طاقینمق هوس وابتلاسی زده دن کلیور ؟ کوسلری ، قوللری آچق ، کورینه جک یرلرینک اوزون اوزادی تواللرله طراوتی تزید ایتک احتیاجی زده دن تولد ایدیور ؟ اوسته کیدکلری اثوابک بدن آشاغی قسنمک صیق صیقی بدنلرینه کوره اولمسه ، البسه لرینک آنجق دیز قیقلرینک آلتنه اینه بیله جک قدر قیسه کسیده سنه او درجه اعتنا ایتلرینه سبب نه اولور ؟ نه دن باشلری نظر فریب قوردلالرله ، کوسلری کونا کون چیچکلرله دوناتیورلر ؟ بعضاً بو طرز تجملده جانلی ولطیف بر بوکت ظن اوله جق قدر التزام افراط ایدیورلر ؟ سواقه چیه جقلری زمان جانطه لری درلو بویالر ، بودرالرله طولدیرمق ، اللرنده کی مندللری ، صرتلرنده کی کوملکلری عطریات ایله آلوده ایتک ضرورتی زده دن الوریور ؟ نه دن برطرفه کیده جکلری زمان آینه قارشینده اوکن ، آرقادن ، آیاقده ، اوطوردقلری یرده ، نازان وخرامان بر طور ایله ، کاه دوز آدیملرله رفتار ایدرک مختلف وضعیترده انداملری تدقیق وتمشایه قویولورلر وساعتلر کچدیکی حالده آینه نك قارشیندن کندیاری آلامیورلر ؟ کندیلرینه بونلر وبونلره مماثل ده بر چوق سؤللر ایراد ایدیکنز . عیبا هب بو شیلری فطرت وجبللرینک سواقه یاقمده اولدقلری سولکدن بشقه بر جواب بوله بیله جکلرمی ؟

واقعا زوجندن بشقه سنی باشند چیقارمق امل مردودینه خادم اولدق قادینک بویله شیلری یاقمسنده هیچ بر باس یوقدر . آنجق بونده کی مقصد بیانچی کسلری حسننه مفتون ایتک ، اونلری دام مکر وتزویرینه دوشورمک اولورسه طبعییدر که قادینلر بو حرکتلریله کندی عقللری کندیلری پامال ایدرلر ؟ زوجلرینه بو یوزدن ایراث ایده جکلری ضرردن قطع نظر ؟ کندی کندیلری رها امکافی اولیان بر کرداب هلاکه آیتش اولورلر .

پک چوق واقعه ده ارککلر بویله مفرط تجملاته مائل اولان قادینلره کوز دیکرک اونلری باشند چیقارمق ، قوجه لرینه قارش اولان وفاکارلق حسلری بحوائتمک ایچون هر درلو وسائله مراجعتدن کری قالمالر . نتیجه ده دامن ناموس وعفتلری لکه دار ایدرک قوجه لرله آره لرنده کی رابطه لری قبرمغه موفق ده اولورلر . احوالک بو طرز جریان محکمه لریمزه قاری قوجه دعوالرینک منشأ لری ، مفارقتلرک